

Boletín N° 297. Martes, 29 de diciembre de 1998

- III. ADMINISTRACIÓN LOCAL - III.2 MUNICIPAL - PORTO DO SON

ANUNCIO Pág. 11071 Reg. 20414-PD / 19024.

Anterior

Siguiente

Ordenanzas fiscais

Aprobada definitivamente a modificación das ordenanzas fiscais das taxas que de seguido se detallan, xa que logo non se produciron reclamacións contras as mesmas, publícanse integramente, dando cumprimento ó establecido no artigo 17 da Lei 39/1988, do 28 de decembro.

6.º .-ORDENANZA FISCAL REGULADORA DA TAXA POLA UTILIZACIÓN DO PAVILLÓN POLIDEPORTIVO MUNICIPAL

Artigo 1.º . Natureza, obxecto e fundamento.

1.1.-De conformidade co establecido no artigo 20 a) da lei 39/88, do 28 de decembro, reguladora das Facendas Locais, modificada pola Lei 25/1998, do 13 de xullo, o Concello acorda establece-la taxa pola utilización do pavillón polideportivo municipal, que será regulado pola seguinte ordenanza.

Artigo 2.º .-Feito imponible.

Estará constituído pola utilización privativa ou o aproveitamento especial dos seguintes bens de titularidade municipal:

- a) Pavillón polideportivo.
- b) Pista de xogo.
- c) Ximnasio.

Artigo 3.º .-Suxeito pasivo.

Son suxeitos pasivos, en concepto de contribuíntes, as persoas físicas ou xurídicas e as entidades ás que se refire o artigo 33 da Lei Tributaria:

Que gocen, utilicen ou aproveiten especialmente o dominio público local en beneficio particular, conforme a algún dos supostos previstos no artigo 20.3 da Lei de Facendas Locais.

En concreto, estarán obrigados ó pagamento:

- a) As persoas naturais ou xurídicas que soliciten a utilización das instalacións.
- b) As entidades, organismos, asociacións, federacións, clubs, etc., en nome dos que se solicite ante o Concello a autorización para a utilización das instalacións.

Artigo 4.º .-Cotas.

4.1.-As taxas que deberán ser satisfeitas ó Concello por utilización das instalacións que de seguido se citan, axústanse ás seguintes cotas:

- a) Utilización para adestramento, entendendo por tal cando non se utilicen árbitros e cun único vestiario.

Por hora ou fracción: 500 pesetas.

- b) Partidos amigables ou oficiais con entrada gratuíta (non utilizando os despachos de billetes):

Por hora ou fracción: 1.000 pesetas.

- c) Partidos de competición oficial con cobramento de entrada.

Por hora ou fracción: 5.000 pesetas.

- d) Nos casos a que se refiren os apartados a), b) e c), se utiliza luz eléctrica aboarase unha cantidade adicional.

Por cada hora ou fracción: 250 pesetas.

- e) Utilización do polideportivo para espectáculos deportivos.

Con cobramento de entrada: 26.000 pesetas.

Sen cobramento de entrada: 5.250 pesetas.

- f) Utilización do polideportivo para espectáculos ou actos extradeportivos: 110.000 pesetas.

- g) Utilización do ximnasio, ata un máximo de 15 persoas:

Por hora de uso e persoa: 100 pesetas.

- h) Utilización do polideportivo para espectáculos musicais, o 7,5 por cento da recadación.

4.2.-Publicidade:

Paredes frontais:

0,90 x 0,60 m: 12.500 ptas./ano

1,83 x 1,22 m: 25.000 ptas./ano

3,60 x 2,44 m: 50.000 ptas./ano

Paredes laterais:

1,83 x 1,22 m: 20.000 ptas./ano

Círculo central: 100.000 ptas./ano

Círculo de zona (1): 50.000 ptas./ano

Artigo 5.º .-Prioridades na utilización

- 1) Escolas deportivas municipais, e actividades organizadas pola CMTD e padroado.
- 2) Clubes ou asociacións deportivas con categorías inferiores do Concello.
- 3) Clubes ou asociacións deportivas sen categorías inferiores do Concello.
- 4) Deportes individuais practicados por veciños deste Concello.
- 5) Equipos federados doutro Concello.
- 6) Equipos non federados doutro Concello.
- 7) Uso do público en xeral.

En caso de coincidencia de prioridades, terá preferencia a solicitude que teña entrada en primeiro lugar no rexistro xeral deste Concello, e así sucesivamente.

Artigo 6.º .-Exencións e bonificacións.

6.1.-Non estarán suxeitos a estas taxas aquelas utilizacións da instalación que correspondan a competicións organizadas por iniciativa do Concello ou patrocinadas por este. Quedan exentos de pagamento todas aquelas solicitudes de uso de carácter benéfico, cultural, etc., que a Concellería de Turismo e Deportes, co permiso da comisión de goberno, considere oportuno.

6.2.-Atendendo ó interese social, cultural ou formativo, os actos deportivos de carácter afeccionado poderán gozar dunha bonificación que poderá alcanzar ata o 50 por cento das cotas. A devandita bonificación será outorgada para cada caso polo Concello, logo dos informes da CMTD.

6.3.-Logo do informe da CMTD o Concello poderá outorgar bonificacións sobre o importe das cotas e incluso a total condonación destas, sempre que se trate da utilización das instalacións para a celebración de actos organizados con fins benéficos.

6.4.-As persoas ou entidades interesadas na obtención das exencións ou bonificacións establecidas nesta ordenanza, instarán do Concello a súa concesión acreditando suficientemente as circunstancias que xustifiquen a súa pretensión.

6.5.-Non estarán suxeitos a esta taxa aquelas utilizacións da instalación que correspondan a competicións organizadas por iniciativa da CMTD, do Padroado Municipal de Deportes do Concello de Porto do Son, tendo este organismo total preferencia de uso das instalacións deportivas municipais.

Artigo 7.º

Os gastos de persoal de servizo discontinuo (vendedores de billetes, porteiros, acomodadores, vixiantes, electricistas, etc.) correrá por conta dos organizadores do acto. As necesidades de tal tipo de persoal serán fixadas a xuízo da xerencia do polideportivo, ou organismo competente, tendo en conta a categoría da actividade que se vaia realizar.

Artigo 8.º .

As persoas naturais ou xurídicas, así como as entidades, organismos, asociacións, federacións ou clubs, etc., que organicen actos nas instalacións obxecto desta ordenanza fiscal, con carácter periódico, poderán solicita-lo correspondente concerto económico co Concello.

As condicións deste serán fixadas, en todo caso, segundo o procedemento legalmente establecido e a aprobación de ditos concertos corresponderá á comisión municipal de goberno, logo do informe da CMTD.

Artigo 9.º

9.1.-A cota terá obriga de pagamento no momento mesmo no que se inicie a prestación do servizo.

9.2.-O Concello, por medio do órgano encargado da administración desta cota, poderá esixir, se é o caso, as indemnizacións polos desperfectos que poidan ocasionarse na pista ou en calquera outro servizo complementario. Este depósito poderá ser constituído en metálico, mediante aval bancario ou póliza de seguros. Será devolto logo de que se demostre, mediante informe do director-xerente, ou persoa encargada do polideportivo, que non se causaron danos ou que estes foron reparados.

Artigo 10.º .-Tramitación.

10.1.-As instancias, nas que se farán consta-los días e horas nos que se desexe efectua-la utilización e demais circunstancias que desexen expoñer, presentaranse no rexistro xeral do Concello.

Corresponderá á CMTD informar sobre a procedencia da concesión da licenzia solicitada a formula-la proposta de resolución.

Ó devandito informe achegarse a liquidación correspondente ó outorgamento da licenzia, procedendo a intervención municipal á censura correspondente.

10.2.-As licenzias para a utilización das instalacións do pavillón polideportivo, cando se trate de festivais e actos organizados por colexios e institucións culturais, actos estatutarios das sociedades, asociacións de todo tipo e partidos políticos, así como por festivais e espectáculos artísticos, recreativos e deportivos de carácter profesional, solicitaranse por medio de instancia dirixida ó ilustrísimo señor alcalde.

Artigo 11.º.-Liquidación e recadación.

11.1.-O aboamento das liquidacións correspondentes ós espectáculos de carácter non periódico deberán realizarse na Tesourería municipal cunha antelación mínima de 48 horas á celebración do espectáculo.

11.2.-Nos supostos de usos periódicos as liquidacións resultantes deberán ingresarse por meses anticipados e sempre antes do día 1 do mes ó que corresponda; se este requisito non poderá utilizarse o pavillón.

11.3.-A non celebración de espectáculo unicamente dará dereito á devolución das cantidades aboadas, cando sexa o propio Concello o responsable da non celebración, non tendo dereito o solicitante a reclamar danos e perdas, sempre que a cancelación do permiso se notifique con 48 horas de antelación.

11.4.-Os depósitos previos establecidos no artigo 9.2. desta ordenanza realizaranse sempre na Tesourería municipal; sen este requisito, non se concederá a autorización para a súa utilización.

Artigo 12.º

Toda cuestión non prevista nesta ordenanza, que xurda a raíz da entrada en vigor da mesma, será resolta pola comisión municipal de goberno.

Artigo 13.º

Esta ordenanza comezará a rexe-lo 1 de xaneiro de 1999, conforme establece a Lei 25/1998, do 13 de xullo.

Porto do Son, 18 de decembro de 1998.

O alcalde, asinado.